

■ TRIBUNA POLITICA

Las finanzas n'èn betg tut...

DA CUSS. GUVERNATIV CHRISTIAN RATHGEB, SCHEF DAL DEPARTAMENT DA FINANZAS E VISCHNANCAS

Avant Pasca ha l'Uffizi chantunal da vischnancas publicità sia brev d'infurmaziun Ginfo. La publicaziun è s'occupada dals resultats dals quints annuals 2017 da las vischnancas grischunas ed ha orientà co ch'i stat actualmain cun las finanzas da las vischnancas. I resulta in maletg fitg positiv. Sco schef dal departament ch'è responsabel per las vischnancas ma fan questas enconuschientschas plaschair e ma dattan er ina tscherta satisfacziun. Dacurt, ad ina radunanza generala, sun jau numnadain vegnì plement davart il quint annual 2018 dal chantun. Vus As regurdais: Il cumenzament da mars ha il chantun Grischun pudì communitgar cun plaschair che las finanzas chantunales hajan ina buna constituiun e ch'i possa vegnir spetgà in resultat operativ positiv er per l'onn current 2019. A la radunanza generala menziunada ha ina persuna manegià – in pau ironicain – ch'i na saja betg difficil da serrar giu bain il quint chantunal sch'ins haja adossà ils custs adina pli fitg a las vischnan-



cas. «Po quai esser?», hai jau dumandà mamez (e mias collavuraturas e mes collavurats).

Ina po betg vegnir snegà ch'ils custs dal maun public – quai vul dir da la confederaziun, dals chantuns e da las vischnancas – èn tut en tut creschids durant ils ultims decennis. Ma: Fin l'onn 2013 ha il cussegl grond concludì numerus projects cun spustament d'incumbensas e da grevezzas sin il chantun. Tras quai ha il chantun survegñì ina chargia periodica annuala da stgars 90 milliuns francs e las vischnancas ina distgargia da circa 21 milliuns francs per onn. Includ en questa chargia èn er ils vasts detretschauments da la finanziaziun ch'èn vegnids realisads en il rom da la refurma da la guliva-

ziun da finanzas ch'è entrada en vigur l'onn 2016. I na constat pia betg ch'il chantun avess dà ina basa sauna a sias finanzas sin donn e cust da las vischnancas grischunas. Anzi, las finanzas chantunales han anc adina ina constituiun excellenta, malgrà las grevezzas finzialas ch'il chantun ha surpiglià da las vischnancas. Ils spustaments da grevezzas sin il chantun èn evidentain stads supportabels. En l'avegnir duain vegnir però evitads consequentain spustaments da grevezzas en tuttas duas direcziuns. Quai vala er per il cas che las finanzas publicas duesan avair ina giada deficits e ch'i stuessan vegnir prendidas mesiras da distgargia.

Elas finanzas communalas? Ils indicats dals quints annuals 2017 da tut las vischnancas dattan in maletg fitg solid da la situaenziun finziala. Las vischnancas grischunas han ina basa finziala sauna ed èn perquai preparadas bain per las sfidas futuras. Il svilup positiv dals onns precedents ha pia cuntinuà.

Cler, las finanzas n'èn betg tut, ma senza finanzas saunas n'èn bleras chaussas nagut.